

光緒應城志

1 卷
20

1026.81
30
1026.81

1026.81

光緒八年桂月鐫

應城縣志

蒲陽書院藏板

重修應城縣志序

邑志邑徵也修邑志令責也
然不至其時不得其人則志
遞之久而廢者不舉應

光緒應城志

卷之首

序

之志自嘉慶乙亥邑令奚
雨谷先生重輯後距今六
十餘年去昔之修者垂百
年其間任斯土者果皆不

暇及此哉或亦有待而時
之未至歟光緒七年 湘既
下車六月 撫軍彭公將徵
通省人物風化財賦方輿

椒所邑志而採覽之時應
邑百廢庶舉功多未竟奚
志之僅存藁詢其故愈以
贊絀為言予慨然曰是吾

責也曷敢以費銀辭乎方
今寰海澄清民物康乂凡
善後事宜在、亟須經費
而况志之上國

國是下繫民膜者以海鮮
耶乃商得籌款若干與
邑紳王佑卿孝廉閔春陔
中翰諸君子就實志而增

補刪訂甫哀成帙適陳端
人直刺自秦告歸相與參
校復延劉休柯遜莽兩
孝廉互為考覈而釐正

之閱十一月剞劂告成予
竊沾沾自喜謂冥志先後
百數十年而湘適逢中丞
彭公徵文考獻之會得以

附大雅而名彰何其幸也
且奚蜀人也湘又以同鄉後
學亮先生未竟之志一若
應之志特有需於吾蜀非

先生莫為之前非湘莫為
之後也者又何其奇也夫
天下事非其人不舉非其
時亦不舉詎獨邑志為然

哉維然若謂此志之修
乘其時而
印其人也
則又何敢

光緒八年仲冬月中
辭

光緒應城志


卷之首

序

六

百科拔貢知應城縣事

華陽羅維綰撰并書



應城縣志原序

國之有史所以備百代政治之得失而垂爲法戒者也
邑之有志亦然鐸自丁未秋履任應城卽詢邑志兵燹
後有存者否邑人咸曰無有乃亟就廣文吳先生商之
先生曰邑城自丙子被屠後匪第無文可考抑且無獻
可諮勢必蒐之四方碑記里巷野老非可以旦夕責效
也自是而周爰諮詢凡殘篇斷簡有可以備掌故裨政
治者皆手錄之越三載始成帙其有疑者闕焉夫以一
邑政治之繁隲自宋建邑迄明中間數百年紀載之闕

光緒應城志

卷之首

原序

當遐搜博采用存崖畧而鐸簿書執筆又地僻無可得
書則以今日之所搜采不過什之四五後有篤雅君子
踵事而斟補之則予之所深幸也夫康熙八年歲在己
酉秋八月知應城縣事清苑樊司鐸敘

吳序

邑之有志也非徒以後文談光記載也凡幅員土壤之上下物力財賦之盈虧士習民風之醞滴操風化者於此推求往迹酌收時宜不越几席而化理有所自起斯足貴矣應邑舊志經丙子兵燹灰燼靡存至

國朝定鼎振德崇文官斯土者屢奉檄纂修而蒐討故策澌不可得丁未秋邑侯樊君下車諄諄以志爲念而簿書鞅掌又未暇綜理以其事委元馨王之王元馨學術燕陋固辭不許復蒙學使者以志事專責教職蓋至是而

元馨始不容辭乃詢諸故老叩諸交遊得養吾陳先生郡志殘帙成於萬厯己卯而其後八十餘年之事猶靡所稽考乃益徵文訪獻勤事編纂歷今三載始獲成帙所愧枋榆之見藩籬之窺終何以追罪於文人筆削哉亦聊以備見聞考得失冀有民社之責者得所採覽其有譌誤者幸更駁正則元馨之所禱祀而求者爾康熙八年己酉陽月望日應城縣學教諭襄陽吳元馨識

李序

蒲騷在楚風號名邑勝國時臺省鉅公頂背相望文獻
述作斐然可觀故筮仕茲邑者咸欲得邑志觀之致伸
仰止詎料可宋抵任一再披閱則斷殘數卷冗複漫滅
不可卒讀詢其故皆云明季兵火圖書片紙無遺已康
熙初樊令創志而苟完齊令續修而未就比年散落此
卷僅存因悚然以懼怒然以思方今

皇上問俗勤民各憲臺碑心立政萬一邑志是徵其能以殘
冊獻或以無有對耶且失今不理留待後人竊恐不數

光緒應城志

卷之首

原序

三

十年並此數卷斷殘者失之雖欲修亦末由矣爰謀之
紳士而紳士或縮符出牧或下帷課業罔有仔肩厥事
不得已每乘退食之罅仍取樊志補葺漫滅芟除冗複
更於田賦學校職官選舉諸類自康熙十年以來

功令奉行者依類續入時附末議發明原委日積月累次
第成帙其人物藝文二門則舊歲得前齊令所集未成
稿本詩文二十餘首部列擬議人物姓名一篇重加參
質使不訛謬益以旌舉節孝男女若而人採訪所得張
藩參齊滄鷗等若而人儒行文苑隱逸封蔭等若而人

計增入人物三十一人而藝文卒鮮後之君子必有踵
吾而爲之者其視案今日所爲特嚆矢乘章焉爾而何
鮮之足慮耶雍正四年歲次丙午陽月知應城縣事古
於陵李可案和陽氏識

奚引

邑之有志所以紀建置之源流辨土賦之定式區官職之賢否識風俗之醇漓明學校之隆替稽選舉之得失徵文考獻揚善褒貞志之爲義大矣哉應城於前明爲漢東望邑舊志淪亡康熙十年邑宰樊君始爲創修而聞見所及止存什一嗣齊宰亦續修未竟雍正四年歷下李公令斯邑迺輯而重刊之迄今已九十年其間賦役戶口河渠溝洫城隍廨宇學舍驛亭人物科名孝行貞操或今昔殊而仍其舊或時日久而沒其真前無以

光緒應城志

卷之首

原序

五

信於後後無以景乎前慨慕流連每深浩歎 國家車書大同卽山陬海澨罔不蒸蒸日上登民物紀土風以應

文明之盛治獨念茲邑垂百年而志不舉豈鄉先達均無意表彰歟抑司牧者視爲無足重輕歟毋亦憚採訪之不易而虞經費之難措耳然畏其難而止則年復一年雖欲採訪而文獻無徵求所謂存什一於千百者將不可得伊誰之責哉此縣志之修余所爲日切切於懷以期與諸君子及時成之者也今籌得公項六百緡延攬通

儒互相參訂其李志內增所不應增刪所不應刪與體
例有未協者從而釐正之自雍正四年至於今其事與
人關係風化地方者務在採入期無遺濫用徧告老成
宿學故家碩彥凡有見聞詳厥端委毋參私意據實直
書投諸廳事櫝中余將廣諮確核以成一邑之乘至刊
刻之費非二千金不足歲事是在慕義之士解囊集腋
共勸此舉若夫先世有善行可錄而其子孫欲爲之表
揚與見在鄉黨有懿美思以流傳後世者其必倍爲踴
躍可知也嘉慶二十一年五月中浣知縣事蓬溪吳大壯

姚序

予友奚君雨谷宰應城延予主講是邑卽有志修輯邑乘會奚君有採買滇銅之役予亦移視隨州而弗果也迨奚君自滇回任政通民和百廢具舉以書寄予曰應城舊志經明季兵燹卷帙散佚康熙中邑令樊公始纂輯之雍正初李公繼修之自時厥後不修輯者將近百載邑先民之嘉言懿行及孝子節婦之可傳者將湮沒不彰僕宰是邑十年於茲文獻無徵僕之恥也第以簿書鞅掌弗獲躬親翰墨吾子其代僕勞可乎予以舊爲

光緒應城志

卷之首

原序

七

是邑師長且與奚君交稱莫逆不能以不文辭爰本樊李二公舊志參之省郡各志博考廿二史水經註元和郡縣志太平寰宇記諸書譌者正之缺者補之益以邑紳士所新採訪者分門別類定爲十二卷奚君重加潤色待梓竊惟古者太史陳詩以觀民風大行人輶軒所及考其邑之夷險難易察其俗之貞淫奢儉以告天子今奚君宰應邑十年除暴以安善良獎賢以愧不肖善政及民民已尸祝之矣又爲之蒐輯邑乘表微闡幽後之戴其德者宜何如耶予不敏殫晝夜之勤竭編摩之

力藉以解數載王講素餐之誚邑之人其或不河漢斯
言也夫嘉慶乙亥仲秋朔日南城姚觀序

光緒應城志

卷之首

原序

八

呂序

志何昉乎始而結繩繼而書契既而憲典國乘以及稗官野史皆以名志志固經之輔史之翼也應城百里地幅員自昔無可考而川原之連縣戶口之增減賦稅之多寡科第人文之盛衰推之方名度數里術訶謠瑣事非筆之於書何以徵文獻而示來茲應邑志始於前令樊公繼修於季公年久不無缺漏自康熙至乾隆三朝余世父象可之儀公纂有聞見錄余亦續纂荆臺筆記而管窺蠡測未敢質之通儒幸值蜀蓬溪奚侯下車伊

光緒應城志

卷之首

原序

九

始興化勤政慨然以重修縣志爲己任爰請上憲設局延聘南城恕甫姚公秉筆援據史乘參稽舊志蒐羅譜集旁及金石碑版之文辨源流考同異余與邑人陳公文煊宋子廷璵蕭子芳椿暨余徒熊生汝弼分得人物藝文志補缺芟繁語必徵信又延采訪紳士多人竭顯蒙之千慮獻芻蕘之一得襄茲盛舉歷二載甫竣將擬梓行而奚侯陞任富川牧陳宋蕭諸君先後化去余尋司鐸邾城邑中雖存稿本嘗以漫漶散軼是懼甲辰春余告歸詢及熊生志藁尙留篋中其建置風土學校禮